

thionnain-feoir^a, agus bha sinn mar sin 'nan sealladh-fan.

C A I B. XIV.

AGUS thog an co'-chruinn-each uile suas an guth, agus ghlaodh iad; agus ghuil an sluagh air an oidhche sin.

² Agus rinn clann Israeil uile gearan 'anaghaidh Mhaois, agus 'anaghaidh Aaroin: agus thubhairt an co'-chruinneach uile riu, Och nach d'fhuair sinn bàs ann an tìr na h-Eiphit, no nach d'fhuair sinn bàs anns an fhàsach so!

³ Agus c'ar son a thug an Tighearna sinn do'n fhearann so, a thuiteam leis a' chlaoidheamh, a chum gu'm biodh ar muai agus ar clann bheag 'nan cobhartaich^b? nach b'fhearr dhuinn pilleadh do'n Eiphit?

⁴ Agus thubhairt iad gach fear re chèile^c, Deanamaid dhuinn féin ceannard, agus pilleamaid do'n Eiphit.

⁵ 'An sin thuit Maois agus Aaron air an aghaidh 'anlath-air coi'-thionail co'-chruinnich chloinn Israeil uile.

⁶ Agus reub Iosua mac Nun, agus Caleb mac Iephuneh, a bha dhiubhsan a rannsaich am fearann, an eudach.

⁷ Agus labhair iad re cuideachd chloinn Israeil uile, ag ràdh, Am fearann a chaidh sinne troimhe g'a rannsachadh, is fearann ro-mhath e.

⁸ Ma tha tlachd aig an Tighearn annainn, 'an sin bheir e sin a dh'ionnsuidh an fhearainn so, agus bheir e dhuinn e, fea-

rann a tha fruthadh le mil agus bainne.

⁹ Amhàin na deanaibh ceannaire^d 'anaghaidh an Tighearna, agus na biodh eagal sluagh an fhearainn oirbh; oir is aran duinn iad; dh'fhalbh an dìon uatha, agus tha 'n Tighearna maille ruinne; na biodh eagal oirbh rompa.

¹⁰ Ach dh'iarr an co'-chruinneach uile an clachadh le clach-aibh: agus dh'fhoilllicheadh glòir an Tighearna ann am pàillion a' choi'-thionail, 'an lathair chloinn Israeil uile.

¹¹ Agus thubhairt an Tighearna re Maois, Cia fhad a bhrosnaicheas an sluagh so mi? agus cia fhad a bhitheas e mun creid iad mi, air son nan comharan uile a nochd^e mi 'nam measg?

¹² Buailidh mi iad leis a' phlaigh, agus fògraidh mi iad^f, agus ni mi thusa a'd' chinneach a's mò, agus a's cumbachdaiche na iadfan.

¹³ Agus thubhairt Maois ris an Tighearna, 'An sin cluinnidh na h-Eiphitich^g (oir thug thusa nìos an sluagh so led'chumbachd o bhi 'nam measg)^h

¹⁴ Agus innlidh iad e do luchd-àiteachaidh an fhearainn so; oir chual' iad gu bheil thusa, a Thighearna, am measg an t-sluaigh so, gu bheil thusa, a Thighearna, air t'fhaicinn aghaidh re h-aghaidh, agus gu bheil do neul a' seasamh os an ceann, agus gu bheil thu ag imeachd rompa ann am meall neoil 'san là,

†

I i

^a leumnaich-uaine.^b 'nan creich.^c r'a bhràthair. Eabb.^d ar' a

mach.

^e rinn. Eabb.^f artuntaichidh mi iad, bheir mi an oighreachd

dhuibh. Eabb.

^g as meadhon an d'thug thu nìos an sluagh so led' chumbachd.